

廣弘明集

卷六

四百七十六  
典六

5-1366



廣弘明集卷第六

終南山釋氏

典

辨惑篇第二之二

列代王臣滯惑解上

有唐太史傅奕者本宗李老猜忌釋門潛啗  
芟剪用達其部武德之始上書具述既非經  
國當時遂寢弈不勝其憤乃引古來王臣訕  
謗佛法者二十五人撰次品目名爲高識傳  
一帙十卷抄於市賣欲廣其塵又加潤飾增  
其罪狀至於張魯據於漢中黃巾反於天下  
斯並李門勃逆皆覆而不顯非謂篤論之文  
乎若夫城高必頽木秀斯拔推我清峻故有



異道嫉之不足怪其鄙去未見廝徒阜隸有  
加惱辱明非目翳何事屏除故因其立言仍  
隨開喻此則古來行事釋判天分未廣見者  
謂為新致聊陳舊解略顯由途資此神開可  
稱高識又傅氏寡識才用寄人集叙時事廢  
興大半坑殘焚蕩之事可号非政所須沙汰  
括檢之條斯寔王化之本故僧條俗格代代  
滋彰此乃禁非豈成除毀傅氏通入廢限是  
謂披毛之夫終綸塗炭可悲之甚矣弃學周  
子史意在誅除搜揚列代論佛法者莫委存  
廢通疏二十五人大略有二初則崇敬佛法  
恐有淫穢故須沙汰務得住持其二則憎嫉昌

顯危身挾怨故須除蕩以暢育襟初列住持  
王臣一十四人傳弈高識傳通列為廢除者  
今簡則興隆之人

宋世祖

唐高祖

王度

顏延之

蕭摹之

周朗

虞愿

張普惠

李瑒

衛元嵩

顧歡

邢子才

高道讓

盧思道

一列毀滅王臣一十一人傳弈高識傳列為

高識之人今尋乃是廢滅者

魏太武

周高祖

蔡謨

劉晝

陽銜之

荀濟

章仇子陔

劉惠琳

范縝

李緒

傅弈

緘省除  
減半之

王文同

初序沙汰僧衆者夫以稊稂之穢青田榮華  
之弊白首者良有以也故六羣之過興舍衛  
十監之僞起毗離大聖因立條章無學由而  
正犯遂有七擯量其小失四法拔其大愆張  
綱目而示三千顯律儀而陳八万故得正像  
咸稱有道内外同号無塵自法漸王門金科  
之刑無墜僧羅海岳蔽疾之隙滋彰舉統以  
法繩之烹鮮之儀可覲隨機以時勸勉握泥  
之喻自隣人誰無過垂珠之誠有津醜迹易

欣掩耳之失難覩所以宋唐兩帝王顏等賢  
鑒物性之昏明曉時緣之淳薄縱釋門之紛  
蕩則淄澠一亂彈僧徒之得失則涇渭殊流  
斥貪競之鄙夫毀藏積之僧滓存高尚之道  
德延重惠以攝人至如漢魏齊梁之爲政也  
恢恢天網取漏吞舟察察王政事兼苛濫所  
以大弘佛法通濟於五乘該洽明時陶漸於  
清濁使濁者知歸令自新於大造清者容養  
悟適化之多方其猶大赦天下逋逃因之改  
容忘瑕納衆羣小以之遷善堯舜豈非聖主  
而化不及丹朱漢祖焉樂亂階而亮貫高之  
逆孔門季路雖僻而預昇堂釋種達多乃邪

而參清衆是知權道抑揚神幾利用或收或  
縱事出乘時後序除廢三寶意者夫以保形  
存命有生之所貴重財愛食鄙俗之共珍故  
位稱大寶無以摧於死生力拔青山莫有亡  
於老病斯佛教也故四山常逼王位非常三  
相恒遷生涯有數斯實錄也俗有識記之傳  
不知由何而得或云口授或述符圖虛然顯  
密布露士俗竊以五運更襲帝者一人自餘  
凡叟誰之顧錄周祖已前有忌黑者云有黑  
人次膺天位故齊宣惶怖欲誅稠禪師稠以  
膏問云有黑人當臨天位稠曰斯浪言也黑  
無過漆漆可作耶齊宣妄解手殺第七弟渙

或可笑也周太祖初承俗讖我名黑秦可以  
當之既入關中改爲黑皂朝章野服咸悉同  
之令僧衣黃以從讖緯武帝雄略初不齒之  
張賓定霸元嵩賦詩重道疑佛將行廢立有  
實禪師者釋門之望帝亦欽重私問後運是  
誰應得實曰非僧所知帝曰如讖所傳云黑  
者應得僧多衣黑竊有所疑實曰僧但一身  
誰所扶翼決非僧也帝曰僧非得者黑者是  
誰實曰至尊大人保信浪語外相若聞豈言  
至聖黑者大有老烏亦黑大豆亦黑如是非  
一可亦得耶帝聞有姓烏姓實者假過誅之  
元其情本疑意在釋遂即蕩除魏太武本是

戎鄉素無文墨八歲登位一信崔浩故兩帝  
厚身信讒信讖陵殘佛化自取殃及旋踵更  
興興由時來不在人力故經傳云佛化惟遠  
終於六万歲時住持小聖功在九億無學不  
可削也蔡謨已下上事諸賢並挾私忿於僧  
有隙發憤忘身何況佛法極筆而書罪狀深  
文而挂刑網禿賊以驚視聽妖胡而動王臣  
且律令條章未若疑脂之密滔滔天網自有  
陷目之夫言賊斯即盜科述妖乃當死例書  
表盛云妖賊未識妖賊是誰可謂匿名之書  
足投諸火如須勘檢虛迹自形前後上事雖  
有十賢荀濟一夫差有才用自餘連寫未足

人聞傳弈後來謂自脫穎言無典據才氣虛劣瓦礫云寶賢愚所輕然奕素本道門起家貧賤投僧乞貸不遂所懷蓄憤致嫌固其本志武德之始西來入京投道士王歸歸左道之望都邑所知見其飢寒延居私宅歸通人也待以上賓三數日間遂通其婦入堂宴語曾不避人歸有兄子爲僧寺近歸宅因往見之弈大瞋怒僧便告歸歸初不信曰傳弈貧士我將接在宅豈爲不軌耶僧曰叔若有疑可一往視相將至宅果如所言歸掩氣而旋歸有女聳爲果毅常以爲言弈旣竊妻而傳妖不可筭矣如唐吏部唐臨冥報所傳神爲泥

人固其宜哉如別所顯

隋大業八年天子在遼有王文同者郊東王堡人也夙與僧爭水磴之利勅令巡問軍實乃矯詔集僧三木加身考令臣反并令引邑義同謀遂誅翦僧徒於河間郡殺道俗近一千人傳符達於蒲州酷聲遍於天下時竇慶爲河東太守以狀奏聞帝大怒於河間戮之未及加刑百姓鬻之生歎乃及於土地以此反例下述及僧亦相符此然初因僧起謗毀佛法咸因宿忿不思累劫之溺而欲一時泚之泚在帝臣非關上事非位不謀已如前各徒爲舉斧終陷磨宵故集者隨傳叙之庶後業

之龜鏡也

後魏世祖

周高祖

宋世祖

唐高祖

趙王度

晉蔡謨

宋顏延之

宋蕭摹之

宋周朗

宋虞愿

魏張普濟

魏李瑒

齊劉晝

魏楊銜之

後魏世祖太武皇帝初立道學置道壇廢佛宗  
帝姓託跋氏諱伏釐後名燾鮮卑胡人之別  
種也西晉之亂有託跋盧據有朔方晉就封  
為代王盧孫捨翼鞬或云珪部落逾盛衆十  
万北連雲中西據陰山雲中南去漢塞四千  
里以東晉孝武太元初南至朔東三百里平

城爲都二十餘歲依華造殿宗事佛道登位  
三十四年至晉帝隆安中第三主託跋燾立  
時年八歲尚在幼沖信任司徒崔浩浩尤不  
信佛情重李老仙術以道德經授帝令諷味  
因便重之登位二年召天下方士有道士竅  
謙之者道門之魁傑也自云於嵩高值天尊  
飛下召謙賜以天師之号令奉太平真君置  
靜輪天宮可獲仙道列辟聞之若遺而浩浩  
信之帝由是於平城郊置道場方二百步重  
層崇峻并備厚禮具如釋老志所述後改号  
太平真君以遂竅謙之道命也因蓋吳作亂  
關中有沙門畜弓矢浩便進說與吳通謀遂

誅長安沙門焚破佛像四方亦然唯留臺下  
至真君七年遂一切蕩除坑僧破像自以爲  
得志也爲讒所黷幽殺太子惡疾殃身方誅  
崔浩何咎及矣不久爲閹人宗慶所殺便崩  
其孫嗣立即開佛法天下大明第六帝孝文  
是稱文祖改姓爲元改代爲魏去胡服定官

名衣冠華夏移都河洛佛法大興然世祖勇  
於武略怯於文雄輕於自審重於信僞而弃  
叙爲命世之明后寔誣也哉尋弃搜檢列代  
上事言及釋門者大略五焉前已顯之今重  
昌辨一以業運冥昧報果交加二以教指俗  
僞終歸空滅三以寺宇崇麗顧陵嫉之四以

僧有雜行抄掠財色五以僧本緣俗位隆抗  
禮五相雖惑多以雜行者為言焉斯不達之  
曲士也夫出家者取其發足超方形心異俗  
執持聖種震懾魔王天帝尚來下拜龍神無  
不奉者非無五三雜行犯法負心婆娑於色  
味貪饗於名利斯等行乖佛化正法稊稂渥  
槃謂為禿人梵網呬為大賊戒海如屍不納  
僧條財法絕之斯禁顯然妄咎於佛深不可  
也至如俗士純臣有國常有行貞潔者重之  
為貪競者罪之可以見一士乖僻合國並誅  
一官濁濫舉朝同翦斯不可也事見後魏書  
及十六國春秋世祖見一寺過起通國斬僧

無問少長一時殘戮可謂虜官長也判事雷  
同奔引以爲明略明者逃矣又以見僧受供  
厚禮頻繁自不能拔妬而增狀僧爲福田奉  
之自獲其報官是攝政祿之以盛其功今王  
賜臣下讓祿者是誰俗施僧財不受者常有  
無祿之官不聞於國受俸之士充仞九州豈  
以一士受賕朝廷爲之廢務一僧濫施釋門  
由此致嫌又不可也是知清濁異途道俗迥  
有憲臺繩紃於失法詳刑科處於重輕斯俗  
政也戒律以檢於七非擯罰以正於三格僧  
制以遮其外犯法令以勗其內心此佛教也  
是則道俗律令具足光明昭彰於四俗纘昌

於五衆有何不盡須尔上言所以

上帝高居於九重般鑿四海列辟靡盬於王  
事職司其憂尔非其司妄行干政徒爲濫職  
何用當官故後之上事希有從之者故經說  
四依擬分僞濫人識難辨法智易明何得見  
一僧行過上累佛宗見一戒或虧便輕正法  
止可以道廢人以人不知道也不可以人廢  
道以道高出天人抑又詳之今以五常檢人  
何人能具五孝檢士何士備之讀易而忽陰  
陽講禮而存倨傲闇君賊臣代代常有尸祿  
亂政時時更繁孔門三千顏生獨爲德行君  
人二十九代唐堯常據其言初略述統詳則釋

門藻鏡者殷矣

二周祖武皇帝志存道學躬受符籙猜忌佛門  
帝姓宇文氏諱邕太祖魏丞相黑泰之第三  
子也族本鮮卑元魏之末太祖挾魏平陽王  
西頓關中經魏四帝二十三年薨世子洛陽  
公受魏禪稱周當年被廢立弟寧都公為帝  
四年崩謚明帝兒小立弟魯國公為帝即高  
祖也改号保定元年深謀獨斷猜忌為心晦  
迹親踈以蒙智術保定六年改元天和前後  
經于一紀大冢宰晉國公宇文護太祖之猶  
子也躬受遺詔輔翼帝圖雄略攝御光時佐  
國恐有廢立便引入內殺之并子十人族大

臣六家改元建德誅除雄武摧翦捍城慮遠  
權衡英威自若而能克已勵精露懷臣下布  
袍菲食勞謙自持躬履行陣步涉山谷故得  
士卒之心死而不厭時有讖記忌於黑衣謂  
沙門中次當襲運故帝初大信佛以事逼身  
遂行廢蕩以建德三年納道士張賓佞辯便

滅二教更立通道觀用暢本懷至建德五年  
平齊旣訖自以爲滅法之福祐也改元宣政  
至五月因癘而崩於雲陽子贇嗣位殺齊王  
父子十人正月一日改元大成禪位其子衍  
改元大象自号天元皇帝便開佛法然則禍  
深福淺過掩其功明年五月崩謚曰文宣後

年正月改元大定二月內禪位有隋故弈述  
去觀武帝爲政果決能斷此其志也旣除妖  
邪之教唯務強兵五年之間大勲斯集盛矣  
其有成功也集者曰弈去無佛則國安祚遠  
如何周祖誅除纔了凶崩忽臨則弈爲狂矣  
然則武帝唯武曾不遲疑隨心快意便行誅  
戮害叔毀佛欺誦已深祚促曆移固其宜矣  
況復癘及其身呼嗟何及殃鍾禍集又可悲  
涼乃以指正佛爲妖邪指僞道爲師奉闇君荒  
主豈待夏殷固謚法之司魏周滅法之主俱  
爲武者不亦宜乎餘有除毀相狀感於苦報  
如別具述

三宋世祖孝武皇帝沙汰僧徒并致敬事帝  
姓劉氏諱駿文帝之第三子也爲父討逆斬  
兄邵於南郊并子三十一人自立改元孝建  
二年誅叔義宣大明二年誅王僧達父子有  
羗人高闍反事及沙門曇標下詔曰佛法訛  
替沙門混雜未足扶濟鴻教而專成逋藪加  
以姦心頻發凶狀屢聞敗道亂俗人神交忿  
可付所在精加沙汰後有違犯嚴其誅坐遂  
設諸條禁自非戒行精苦並使還俗詔雖嚴  
重竟不施行先是晉成帝時庾冰專政欲令  
沙門致敬王者何充王謐等駁議不同及桓  
玄篡位復述前議俱不果行備如別述世祖

以大明六年使有司奏議令僧致敬既行刻  
斫之虐鞭顏竣面而斬之人不勝其酷也且  
僧拜非經國之典亦不行之大明八年崩子  
業立尋爲明帝所奪而傅弈叙爲高識之帝  
濫刑何識之可高耶倏忽絕嗣身名俱滅可  
爲殷鑒矣案蕭子顯述曰宋氏自稱水德承  
運典午正位八君十年五紀四經嫡三号中  
興間關禍難相陵骨肉何可言哉

四大唐高祖太武皇帝沙汰釋李二宗詔帝  
以武德末年僧徒多僻下詔澄簡肅清遺法  
非謂除滅尤爲失旨故詔云朕膺期馭宇興  
隆教法深思利益情在護持使玉石區分薰

猶有辨長存妙道永固福田正本澄源宜從  
沙汰斯正詔也而弈叙為滅法則誣君罪因  
值容養寬政網漏吞舟故存其首領耳餘如  
後述

弈又引元魏尚書今任城王澄奏議不許邑  
里更造伽藍妨人居住又引尚書今高肇奏  
僧祇戶粟散給貧人閱其表奏無餘毀狀但  
在匡政理教除其僻險斯之詳紕弼護之規  
諫乎五後趙中書太原王度奏議序石虎下  
書問曰佛号世尊國家所奉閭里小人無爵  
秩者為應得事佛不又沙門皆應高潔真正  
行能精潔然後可為道士今沙門甚眾或有

姦宄避役多非其人可料簡詳議度奏以王者郊祀天地祭奉百神故禮有恒饗佛生西域非中華所奉漢氏初得其道唯聽西域人立寺都邑魏承漢制趙由舊章請趙人不聽詣寺已爲沙門者遣還初服朝士多同此議虎下詔曰度議佛是外神非諸華所奉朕出邊戎宜從本俗夫制由上行永世作則苟允事無虧何拘前代其夷趙爲道士樂事佛者悉聽餘有弈爲潤飾多陳妖詐道家之書僞妄自昔黃書合氣士女淫行赤章厭禱幽明亂起是知妄作者凶亂俗者殺罪有餘矣何者弈云佛圖澄令弟子遊說郡國支遁之徒

爲其股肱翻三玄妙旨文飾邪教斯言訛謗  
天地不容何者佛圖澄者得聖之人也乳孔  
流光不假燈炬之照瞻鈴映掌坐觀成敗之  
儀兩主奉之若神百辟敬之如佛預啓東儲  
之貳前表石葱之禍及難生妖現諫虎以刑  
濫法深饗壽不遙斯言甚切而弈乃云令虎  
殺姪取其帝位何斯言之過歟又云支遁之  
徒爲其羽翼晉氏南度止一道林雖是同時  
江山胡越安得散身奔北股肱趙朝又云翻  
三玄妙旨文飾邪教此亦虛言何得妄旨且  
道之述作止在五千自餘千卷都是虛詐備  
詳魏日姜斌事乎然則自忖者審謂僧亦然

且佛之教義綸綜有歸前後文理無相乖競  
尋繹道經濫竊何甚不能自立一義並謗佛  
宗或四果十地連寫內經或地獄天堂全書  
佛旨斯並業行之昇沉報因之盛則也問以  
位行階級則事逾河漢如何叙集圖傳迷俗  
亂真無纖毫以助化有山岳之負犯枉沒卒  
歲又可悲夫

六蔡謨字道明陳留人晉太常彭城王紘表  
以肅祖好佛道手畫形像於樂賢堂經歷綬  
難而堂猶存宜勅著作咸使作頌顯宗出紘  
表博議謨曰佛者夷人唯聞變夷從夏不聞  
變夏從夷先帝天縱多才聊畫此像未是大

晉盛德之形容今欲發王命勅史官上稱先  
帝好佛之志下爲夷狄作一像之頌於義有  
疑焉康帝即位拜司徒永和四年五月詔書  
下固執不就上䟽乞骸骨及孝宗臨軒徵謨  
不至自旦至中皇太后詔罷朝公卿奏送謨  
廷尉以正刑書謨率子弟素服詣廷尉待罪  
詔免爲庶人便杜門不出斯並剛復之鄙夫  
井坎之固量也而弈叙爲純臣未爲篤論何  
者謨之諷議局據神州一域以此爲中國也  
佛則通據閻浮一洲以此爲邊地也即自而  
叙斯國東據海岸三方則無無則不可謂無  
邊可見也此洲而談四周環海天竺地之中

心夏至北行方中無影則天地之正國也故  
佛生焉況復隄封所及三千日月萬億天地  
之中央也唯佛所統非謨能曉且庸庶生常  
保扃冰執自古同謂家自爲我土樂人自以  
爲我民良不足怪也中原嵩洛土圭測景以  
爲中也乃是神州之別中耳至時餘分不能  
定之江表島夷地卑氣厲情志飛揚故曰揚  
州晉氏奔之更稱文國變夷從夏斯言有由  
則孔子居九夷非陋也且有德則君人無道  
則勃亂故夏禹生於西羗文王長於東夷元  
魏託跋宗族北狄並君臨瀆岳響明南面豈  
以生不在諸華而逆其風化也至如由余西

戎孤臣秦穆因而霸立日碑獫狁微類漢武  
納而位存故知道在則尊未拘於夷夏也蔡  
謨堅固自守未曰通人拒詔違命負罪殿廢  
正刑可矣抑又詳之盈尺徑寸之珠璧本惟  
絕域窮神達理之睿聖不限方維故崆峒非  
九州之限崑崙乃五竺之地而黃帝軒轅並  
西奔而趣之李老尹喜又接武而登之斯何  
故耶知可歸矣且見機而作無俟准的至如  
夏桀之爲政也焚黃圖誅龍逢秦政之酷暴  
也燒經籍坑儒士時俗傳之無道之君也然  
埏埴埴瓦非曰桀功起予皇帝未尊呂德然  
累葉盛行義須褒貶古人有言堯舜未必全

聖桀紂何能極愚然而並歸各於夏殷尊嚴  
於唐虞者偏黨不倫之詭經也蔡氏褊隘何  
足可稱唐特進鄭公魏徵策有百條其一條  
曰問佛經興行早晚得失

荅

珠星夜墮佛生於周辰白馬朝來法興於漢  
世故唐堯虞舜靡得詳焉孔子周公安能述  
也然則法王自在變化無窮納須弥於芥子  
之中覆日月於蓮花之下法雲慧雨明珠寶  
船出諸子於火宅濟群生於苦海砮得砥則  
截骨而斷筋車得膏則馬利而輪疾誠須精  
心迴向繫志歸依宜信傳毅之言無從蔡謨  
之議斯國之重臣也可謂高識有歸故太宗

敬而制碑手書其石祔葬于昭陵爲万代之  
模楷也蔡謨年事俱盡功用罕施自揣無能  
之固辭於公政可也而叙華夷事隔未曰通  
人又不足可稱焉

七宋顏延之琅琊人有文章好飲酒放達不護  
細行宋元嘉中遷太常沙門慧琳以才學迴  
拔爲太祖所賞每升獨榻之禮延之嫉焉曰  
此三台之座豈可使刑餘居之帝變色弈叙  
之爲名士斯可知也以琳得寵於文帝延之  
非莅政之能官嫉而譏之既不預朝廷退居  
里閭子竣爲揚州刺史乘軒還宅延之負杖  
避而譏之不營產業布衣蔬食獨遊野外時

諺以其不參朝賢亦顯論所不及豈不以無  
預獨擗之榮嫉琳而謂刑餘也餘如達性論  
所評議也然顏公著論褒讚極多至如通佛  
影迹通佛頂齒爪通佛衣鉢杖通佛二鬘不  
然皆置言高拔羣英之所模楷者刑餘之言  
一時之貶琳耳其四論並見宋陸澄續法論  
八蕭摹之蘭陵人宋元嘉十二年爲丹陽尹  
奏稱佛化被於中國已歷四代塔寺形像所  
在千計進可以繫心退足以招勸自頃已來  
敬情浮末不以精誠爲至更以奢競爲重違  
中越制宜加檢裁不爲之防流遁未已請今  
後鑄銅像造塔寺先詣所在陳事列言待報

聽造觀斯奏狀抑止奔競非曰除滅斯寔住持之相居然昌顯矣

九周朗汝南人宋世祖時仕廬陵王史上書曰自釋氏流教其來有源舒引容潤既亦廣矣而假糝醫術託以十數外刑不容內教不悔而橫天地之間莫之糾察今宜伸嚴佛律裨重國令其疵惡顯著者悉宜罷遣餘則隨其藝行各爲之條例使禪義經誦人能其一食不過蔬衣不出布若更度者則令先習義行本其神心必能草腐人天竦精已往者雖侯王家子亦不宜拘意同前矣

第十虞愿會稽人士宋明爲中書善容止直

忤言帝好弈頗廢政事愿曰堯以此教丹朱  
非人主所好帝怒令曳下殿初無懼色二三  
日復召來明帝以下所居故第起湘宮寺制  
置宏壯愿曰此寺穿掘傷螻蟻搏瓦焚虫豕  
勞役之苦百姓筋力販妻貨子呼嗟滿路佛  
若有知念其有罪佛若無知作之何益忤旨  
出守晉安此寔大慈之本懷得佛之遺寄而  
弈謂爲除彈匪其意乎

十一張普濟常山人善百家之說太和中遷  
諫議大夫至孝明立不親視朝過崇佛法郊  
廟之事多委有司營造寺像略無休息乃上  
諫略云

伏願淑慎威儀万邦作式躬致郊廟之虔親  
紆朔望之禮則一人有喜兆民賴之然後精  
進三寶信心如來道由化深故諸漏可盡法  
隨禮積故彼岸可登書奏不報濟諫如此而  
弈弄筆妾加荒穢之姪僧遊於宮內恣行非  
法凡是妃主莫不通姪百姓苦之而上不覺  
斯言姦蕩何得妾施宮禁有限防禦有則擅  
言姪僻縱筆陳妾據大史之任揔清慎之機  
專構私憤顯行輕毀梟能食母君子耻聞亭  
曰招入漢后夜遁非狂非醉斯言難玷但弃  
自行姪穢其黨例有妻孥故李耳李思王之  
編戶張衡張魯天師子孫宗胤顯然無宜不

有不知今日道士何爲効僧遠財絕色清高  
獨往不拘俗累甚可怪也故弈重其財色毀  
僧同之如老子化胡經云旣化胡王令尹喜  
爲佛性強梁者毀形絕好斷其妻娶不令紹  
嗣故名沙門自餘軟善任從其本則妻子不  
絕也約斯論事觀中道士衣冠容制不異俗  
流妻子承嗣義依道法不可怪也是以仙童  
玉女侍老君之側黃庭朱戶迷命門之事深  
欲擬僧斯蹤難泯遂行流謗固其然哉

十二魏李瑒趙人魏延昌末爲高陽王友于時  
人多絕戶爲沙門瑒上言曰禮以教世法導  
將來跡用旣殊區分亦別故三千之罪莫大

於不孝不孝之大無過於絕嗣然則絕嗣之  
罪大莫甚焉安得輕縱背禮之情而肆其向  
法之意也寧有弃堂堂之政而從鬼教乎靈  
太后責以鬼教謗毀佛法場曰竊欲清明佛  
法使道俗兼通非敢排斥真學妄為訾毀且  
鬼神之名皆是通靈達稱三皇五帝皆号為  
鬼易曰知鬼神之情狀周公自美亦去能事  
鬼神禮曰明則有禮樂幽則有鬼神佛非天  
非地本出於人應世導俗其道幽隱名之為  
鬼愚謂非謗靈太后不罪後遇害於河陰詳  
場上言欲沙汰僻左非為疵謗矣  
十三劉晝渤海人才術不能自給齊不士之

著高才不遇傳以自說也上書言佛法詭誑  
避役者以爲林藪又詆訶謬蕩有尼有優婆  
夷實是僧之妻妾損胎殺子其狀難言今僧  
尼二百許万并俗女向有四百餘万六月一  
損胎如是則年族二百万戶矣驗此佛是疫  
胎之鬼也全非聖人之言道士非老莊之本  
籍佛邪說爲其配坐而已詳晝此言殊塵聽  
視專言墮胎殺子豈是正士言哉孔子見人  
一善而亡其百非鮑生見人一惡而終身不  
忘弑隘之迹斷可知矣狂哲之心相去遠矣  
然則天下高尚沙門有逾百万財色不顧名  
位莫緣斯德隱之妾張媪殺一年誅二子沙

門且然一歲有二男編戶誰是吐言孟浪未足廣之而弈重爲正諫及後上事還陳此略考校則劉晝之門人矣

十四陽銜之北平人元魏末爲秘書監見寺宇壯麗損費金碧王公相競侵漁百姓乃撰洛陽伽藍記言不恤衆庶也後上書述釋教虛誕有爲徒費無執戈以衛國有飢寒於色養逃役之流僕隸之類避苦就樂非修道者又佛言有爲虛妄皆是妄想道人深知佛理故違虛其罪啓又廣引財事乞貸會積無厭又云讀佛經者尊同帝王寫佛畫師全無恭敬請沙門等同孔老拜俗班之國史行多浮

險者乞立嚴勒知其真偽然後佛法可遵師  
徒無濫則逃兵之徒還歸本役國富兵多天  
下幸甚銜之此奏大同劉晝之詞言多痛猥  
不經周孔故雖上事終委而不施行而奔美  
之徹於府窳致使浮遊浪宕之語備寫不遺  
斯乃曲士之沉鬱非通人之留意也

廣弘明集卷第六

典

傅弈

二付亦音猜忌

上疑也

芟剪

上音

憤

反房粉

也 訛謗

上所間所晏也

頽墜

反

清峻

下私

也 高 鄙吝

下反廝徒

上音

阜隸

上音

挾

反胡帖

也 使 目翳

下反屏除

上音

沙汰

下音

懷

反胡帖

也 摹之 上音 胡反 莫願音 願音 場音 羊音 銜之 上音 縣音 章音 仇音 下音

姓也 復 縝 反 之 忍 稊 稂 草 帝 郎 二 音 禾 二 音 七 擯 反 下 必 求 下 音

擯 大 愆 反 下 去 罪 也 輒 隙 也 丘 逆 反 孔 一 覲 徒 的 反 律 有 握

泥 反 上 於 手 角 一 淄 澠 音 上 側 緬 二 水 名 下 涇 渭 亦 經 見 也 謂 二 音

斤 棄 也 尺 僧 澤 史 下 側 恢 恢 大 苦 回 反 苛 濫 虐 上 音 何 政 也 何

該 洽 下 上 古 哀 反 沾 博 也 逋 逃 一 上 亦 逃 也 忘 瑕

愆 下 音 過 也 僻 反 疋 亦 逼 反 彼 力 識 記 之 上 楚 禁 反 有 徵

凡 變 字 下 叟 渙 喚 音 笑 識 緯 謂 下 音 寶 豆 音 一 反 有 挾 下 也

帖 有 隙 一 下 丘 逆 反 瑕 發 憤 反 下 怒 房 務 禿 賊 上 他 反 瓦 礫 反 他

滔 滔 反 土 刀 陷 目 去 上 咸 字 脫 穎 反 下 鋒 利 以 領 反 瓦 礫 反 他

下 音 乞 貸 代 下 他 歸 反 丘 水 果 毅 反 下 勇 魚 利 也 既 筭 字 作 俗

字 算 層 堡 係 音 水 礎 反 下 吾 對 矯 詔 反 上 居 小 酷 聲 篤 上 反 苦

甚毒也  
戮之  
殺上音  
六  
鬻之  
上  
呂  
轉上  
泚  
薛音  
愿  
願音

場  
羊音  
銜之  
縣上音  
託  
跋  
下  
蒲  
末  
反  
割  
反  
一  
伏  
釐  
下  
力  
願

燾  
盜音  
鮮  
卑  
外上  
息  
淺  
反  
翼  
韃  
言  
下  
居  
也  
一  
魁  
傑  
反  
上  
苦  
回  
樂

才列  
反  
過  
人  
也  
雄  
列  
辟  
下  
必  
亦  
反  
一  
弓  
矢  
反  
下  
式  
冒

亦作  
過人  
也  
街  
反  
列  
辟  
下  
必  
亦  
反  
一  
弓  
矢  
反  
下  
式  
冒

怯  
畏去  
也劫  
反  
誣  
佞  
也  
無  
按  
檢  
字  
上  
同  
抄  
掠  
下  
音  
楚  
教  
一  
反

奪  
劫  
震  
懾  
下  
驚  
顫  
反  
一  
貪  
饕  
下  
貪  
音  
鐵  
稊  
稂  
郎  
題

受  
財  
憲  
臺  
法上  
音  
獻  
繩  
紕  
有  
下  
俱  
勛  
勸  
也  
玉  
反  
賕  
稊  
稂  
郎  
題

也  
財  
憲  
臺  
法上  
音  
獻  
繩  
紕  
有  
下  
俱  
勛  
勸  
也  
玉  
反  
賕  
稊  
稂  
郎  
題

吾  
告  
反  
據  
下  
薨  
兄  
引  
反  
謚  
後  
音  
示  
死  
扞  
城  
旦  
上  
胡  
權

衡  
庚下  
反  
布  
袍  
長下  
襦  
步  
高  
反  
菲  
食  
微  
上  
芳  
尾  
也  
反  
贊  
倫  
於

反  
衡  
庚下  
反  
布  
袍  
長下  
襦  
步  
高  
反  
菲  
食  
微  
上  
芳  
尾  
也  
反  
贊  
倫  
於

衍  
演音  
禍  
深  
禍上  
古  
文  
祚  
福  
一  
故  
也  
欺  
惆  
正  
下  
音  
調

誑駿反子 訛替上 愚和反 逋藪上 必滿反

庾氷反上 於主 謚音 駁議上 必反 篡位上 初患反 剗

斲下上 阻音 枯反 剖破 也也 之虐下 魚却 皴面反上 皴也 酷

苦毒反 倏忽反上 叔音 嫡正音 的也 馭上音 薰蕕反上 香草

臭也 草下音 由肇 音召 茲女 究下音 料簡上音 寮音 支遁徒下

困反 股肱也上 謂音 古右 輔佐 如人 股腿 也也 肱臂 訛謗

上音 紫口 毀也 東儲 副下音 除也 姜斌上音 薑下

亦作 訾些 同毀 也也 東儲 副下音 除也 姜斌上音 薑下

自本 下七 綸綜 宋反 子尋 繹下音 亦亦 織毫 廉反 息

王紘 下惠 反杜 門反 上徒 戶剛 復下 彼力 反剛 強也

慎頑 隄封 也上 音疆 題積 土測 景側 昌反 日礪 下強 也

臣有 金玃 狃狃 上名 語檢 反下 音允 此反 鏗固 上耕 反苦

正作 堅也 殿廢 見上 反丁 徑寸 豎上 闊也 反陰 崆峒 音二 字

堅也 殿廢 見上 反丁 徑寸 豎上 闊也 反陰 崆峒 音二 字

同山名軒轅帝下音園黃夏桀列渠埏埴上失然  
反下時力也褒貶下上必毛反美也獮隘上下於賣反反  
塞也窄也隕也敏反墜也沒砮石乃古反為箭鏃奴石  
音磨磨繫志反上直立也初委葬合葬也附模楷胡上忙  
石也解上反也自揣反下初量莅政上音利里開反  
下口法則也子竣下反七評議二音平病假糲幼反尼  
里門也旦反也

雜也裨助也甲疵惡反上疾斯會稽音上古會反下忤  
觸也悞也好弈音上去聲下病也宏壯反上惠萌樓上音  
蟲豸下直介反有足筋力斤上音大也蝮蟻樓上音  
子莫候淑慎孰上音有喜下音妃主反上芳微賀  
反上易鳥名也拍人擊也音陌玷音點妻娶  
梟古堯反鳥名也  
下七反又云伯勞是也訾毀也俗作訾  
聚反也

一 毀 謗 歿 胎 上 或 誤 恤 思 律 及 乞 貸 下 他 代  
 之 辱 下 烏 每 反 疫 一 也 反 下 借 也  
 痛 猥 鄙 也



